

賄選記

賄




友存

于

記

中華民國十三年四月初版



編 輯 者

江 蘇 趙 晉 源

撰 述 者

本 社 駐 京 記 者 李

雨 時 駐 津 記 者 張

天 鐸 滬 社 記 者 趙

冰 谷 翁 乃 容 陳 良

國 等 十 二 人


印 贈 者

淞 滬 通 訊 社

999256

复旦大学图书馆

盜 大 國 竊



居 然 當 選 之 曹 錕



FUDAN JPZ00000039308 复旦图书馆

誅奸燭惡

焦子靜題

章序

民國四年曹錕以直隸公民之首請願帝制六年又據直隸以叛此罪在不赦者也雖被選爲大總統國民不得而與之今人沒其彰澈之罪而訟言賄選賄選既暗昧且其事亦小棄明而言暗遺大錄小此軍人有所忌諱不得已而爲之也吾儕所指斥者曹錕爲內亂罪人不得被選爲元首賄之有無固不足深論焉雖然曹錕方以非法爲合法居然以四百八十餘票之當選炫於世則此中神秘尤不可不直揭之

以失所憑藉斯趙君賄選記之作又不可少更足以
深愧乎揚子頌新蔡邕附卓者矣章炳麟識



陸序

人類慾望高下廣隘各有域範若夫志得意滿功烈殊卓關藩建纛雄睨無倫則其所目馳意營者當不在及身之利祿而在百年之榮名然榮名非可倖而致也必磊磊落落興頑起懦有一二犖犖大端裨益世道人心後世秉筆之史官始予以相當之褒許故有合乎此者雖爲舉世所苟簡之夫且從而譽之否則雖炫赫一世之梟雄及至蓋棺論定附麗皆空孝子順孫不能輦蘭台之金爲之博取美傳蓋歷史褒貶實足以救濟道德法律之窮即隱爲維持世道人心之助也畏友趙君水邨耿介成性嫉惡如仇從事新聞事業有年從未肯爲蠹惡者作一曲筆今將彙集見聞有賄選記之刊印春秋直筆禹鼎鑄奸余讀之重有感也誠以國體未變重在倫常共和旣成重在法紀天澤之分君臣之義在今日旣無所附屬則所以維持世道人心於不敝者端賴此國法上之數十百條文苟有人弁髦之芻狗之其罪當與亂臣賊子同科不能倖宥曹氏之才是否起饜羣倫之望吾人姑置之不論然觀其致身之

途徑則爲弁髦約法芻狗條文犯天下之不韙坐觀不討是謂縱亂乃今日國民能力之脆弱團結力之不堅畏禍心之太濃是否即行打倒正未敢樂觀吾國人民之通病大抵好安樂而憚犧牲不權輕重一味以保守爲主旨充其極亡國而有餘苟患失之無所不至故凡不顧事之緩急輕重而一以犧牲是懼者必無氣骨無節操曹氏固可安然攫總統即進一步而稱帝而賣國亦無所不可蓋苟不直接禍及人民人民將置若罔聞也嗚呼庚子之亂順民旗編插京師國之大辱未有是過今曹氏安然入新華門而人民不以實力反抗者其辱與插順民旗同吾國民果甘心乎否乎不禁爲之擲筆三歎也

中華民國十三年立夏日南沙陸石書於上海新申報館之編輯室

張序

士君子生當抑塞否屯之際目擊時艱心傷國故旣未酬斬妖除孽一匡天下之志使斯民出水火而登衽席固當口誅筆伐縷舉時奸製爲信史而後善者知勸囂者知徵是豈弄筆書生之固施狡獪游戲爲文者所可比擬實乃憤世嫉俗之精誠所團結由以作當時之棒喝後世之龜鑑者也厥旨旣偉厥任愈宏若非道德經濟蓄養有素者率爾操弧將何以懾服人心而昭褒貶而文之不華亦不足以標豪傑之精忠鑄羣肝於九鼎也吾友趙子水邨逸情雲上藻思風飛六經廿史幼已窮攻導善除奸壯爲素志願孤懷耿介不投時世俗尙每與當局爲忤今之沐猴而冠者咸畏殫之或畀以重金或膺以高位而趙子悉屏棄之蓋以清白身實不屑與

若輩伍也茲者曹氏賄選神器頻危天下惶惶羣雄束手趙子振襟而起曰是正吾儕著書賑世時矣當今天下舍我其誰哉因有賄選記之作也書旣成囑一言以爲之序余不文實無以應爰標其宗旨並述趙子爲人之梗概以誌篇端是爲序

民國十三年上巳日淞水張寃羣冕於吳淞教育會

自序


曹氏罪惡已於曹錕罪惡史中言之詳矣惟書成急就於曹氏賄選情形尙未遑及隻字爰有賄選記之續刊衷攷賄選之成由於議員之受賄然按其所得乃甚微渺此區區五千元者以今時風俗流宕浮競日滋中人儲爲歲資不足一飽豪縱者以充纏頭作博注則數夕而盡而若而人者一察其平日之所自見類皆申釋是非具有條理侃侃言說無所避就事之不值爲也如彼己之不當爲也如此獨至今日智乃大昏不克自就以至自貨爲錐刀之末悍然犯天下之清議而無所惜其故何哉蓋今爲議員者大抵家無恆產其爲議員非以生活餘力從事政治如他立憲國之政客然不過藉以噉飯與昔之聽鼓今之簡任職存記等耳是固以有撈爲第一義守正爲國乃其餘事一也昔賢謂無恆產而有恆心者惟士爲能此語在二十世紀

之物質世界全然無義日用飲食車馬衣服子女教誨以及窮乏得我今日所需迨非十年前所能夢見求其豐儉適中已非議員所得歲費所能給應而所謂歲費以政府不放款及其他變故往往十不得二三得食既難義利之辨有所未暇二也余嘗謂國家設制以敗壞人才莫如代議夫吾國之有此制纔十二年耳而今之八百人中久承此職迄未瓜代者十居七八初被選時意氣未始不盛以爲民國之成基於彼手經世大猷似所素具不意年復一年而已之貢獻於天下者自問實乃無有而一生血氣最盛志行相求之時期全荒耗於徵逐黨伐靡所事事之中去日苦多生機大澀改絃擇業杌杌莫就因之途遠倒施之念深植於人人心中不可爬梳三也尤有甚者今世社會間所傳習之惡毒淫邪賭博鴉片烟之類議員之不全染或染其一二者蓋寡生事既艱額外所耗尤大無所取辦何以爲供兩院數百人中求

如曹建子所謂懷文抱質淡泊寡欲有箕山之志可謂彬彬君子蓋亦難矣有之且羣笑以爲迂闊四也民國政治有一異象則輿論善忘人無忌憚無論失足何許逾時而抗顏言政如若甚且民意推挽唯恐弗及今之議員爲一其名分子某某未必特爲人指目是即明白受賄藏身偷託儘有可能借曰不能祇須沽價稍善飽食幾時一年半歲更謀用世抑又何妨五也有此五端於議員所以受賄之故思之過半其他細故更概言之約爲二點一晚近生活之無意味有如機阱鮮不陷入一清議制裁之無持久性是非流轉不足警人吾人不於斯二者有澈底更張之道使人人自覺其有新生生命在後因曠然一洗從前之弊習循途共趨期獲平坦之奈何昔顧亭林爲生員論語及關節有曰夫關節朝廷之所必誅而身家之情先王之所不禁故以今日之法雖堯舜復生能去在朝之四凶而不能息天下之關節也然則如之

何請一切罷之而別爲其制今余於代議制亦云然書成之日深感於懷因揭襲其
天意於簡端爲國人告時在

中華民國十三年三月編者趙晉源水邨甫識



賄選記

總論

江蘇趙晉源編

曹錕謀以勸法獲大位。其事若五日十月。燭照海內。而天下人自非爲曹逆心腹之寄。或同其子孫之親者。又未有不異口同聲。嗤其僭妄者也。顧非者自非。而爲者自爲。且爲者於萬無可爲之中。奮力前邁。一切勿顧。日復一口。形勢竟變。所謂「若健者之升梯。舉足愈多。身愈高。人愈仰之。」大選人數。果爾報稱已足。而無恥議員。紛紛蒙首側足。潛返宛平。即較有歷史之黨。自矜守身之夫。亦次第爲疾風捲去。罕有免者。此其故何哉。承此問也。無論何人。可得矢口而答之。曰。賄而已矣。

曹逆此次賄選之成功。乃意中事。顧賄選成而亂無已。不成亦亂無已。憂時之士。於此不必多所容心。且由數點觀之。曹竊大位速。去國是之定。較近一步。亦未可料。何也。曩譬升梯。某也高不造極。墜不齋粉。凡曹之黨。特傀儡曹以爲奸利耳。夫傀儡亦